


docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華北地方·第三三一號


據清·邱大英等纂修  
清·乾隆三十九年抄本  
影印

甘肅省

西和縣志



成文出版社有限公司印行



中華民國五十九年二月臺一版

# 西和縣志

全一冊

發行人：黃 成 助

台北郵政信箱二二六〇五號  
出版者：成文出版社有限公司

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

序

西和邊徼地也介於秦蜀之間  
歷代廢興兵戎擾攘蜀漢武侯  
恢復漢祚營于祁山東西晉世  
氏酋陽氏竊據仇池劉趙符秦  
攻之迄無寧日唐天寶中淪陷

docsriver 文川网  
入驻商家 古籍书城

在文川网搜索古籍书城 获取更多电子书

吐番宋南渡後創痍金虜迨前  
明之季亦嘗寇盜竊發史冊所  
載難于縷述我

國家休養生息重熙累洽之餘士懋  
于學農勤于耕起凋弊之影色  
變而為熙皞富庶今樂上安居

雖洛陽風物無以過也余於丁  
亥歲來蒞是邑觀其俗尚吏朴  
而謹民醇而義有急公奉上之  
忱無澆漓忿爭之習訟庭春永  
花發鶯鳴惟日與琴書為友而  
吏民亦諒余之拙共相安于和

風甘雨中幾同宦  
隱焉閒嘗勸  
耕視獲周覽山川見崆峒高峙  
漢水長流為問前賢遺跡而田  
夫墅老指點若信若疑因以邑  
志原無成書可致用是瞿然訪  
之邑人士有出前令藍君志稿

一編相質者余閱之見其寥々  
數紙體裁草創紀載簡畧並後  
之添註續採更多附會訛舛爰  
為之悉心纂訂建置沿革忠孝  
節義則稽之史傳輿圖疆域城  
守堡寨則證之近今山川名勝



古蹟寺廟採而傳之風俗物產  
詢而誌之至于祀典學校丁徭  
田賦一遵現在準則無敢或異  
近代節孝隱逸定以鄉評允協  
記錄唯真詩久咏嘆以永其情  
凡三閱月而稿成按彙編次付

諸梨棗嗟乎邑志記載之書也  
考信於今傳子奕禩使後之覽  
者與起而觀法之西和以隘扼  
之區古今興廢城郭人民歷世  
滄桑不知凡幾故有前代聞人  
碑墓依然而訪其後哀無有傳

者又况百尺豐隆作人柱下石  
者哉余承乏茲土荏苒流光倏  
忽七載非敢矜稽考之精文詞  
之雅而簡編荒畧之際使前古  
近代一二幽潛不至運會遷流  
隨風湮沒為余之志願也夫是

為序

皆

乾隆甲午歲臘月望日

西和縣知縣邱大英序

目錄

序

五



序

志者紀事之書義取信今傳後  
山川景物風土人文與夫忠孝  
節義古之所可稽今之所共信  
者乃筆於書傳于後世焉是故  
無徵不信抑事不足傳者舉措

間作者深意存矣西邑雖蕞爾  
彈丸踞山河之隘扼秦蜀之衝  
前代名賢事蹟固自甚多迨我  
朝車書一統久道化成今之人物堪  
標舉者亦夥第以前明季疊遭  
兵燹載籍無存邑人士偶有抄

錄志稿亦僅寥寥一帙疑信相  
叅紀載簡畧難語成書

邑侯印公南洲名宿蒞西邑計  
今茲八載矣公臨政親民存  
心愷悌持躬清潔辛卯歲旱民  
饑捐俸煮粥賑濟且請減糶糧



石邑中賴濟者無算而隣邑相  
藉全活者亦不知凡幾此公  
之實心撫恤口碑在人者也至  
如多士恟恟私干絕跡士習克  
端亦莫非感化而然今甲午之  
冬邑人士以修志請公毅然

docsriver 文川网  
入驻商家 古籍书城

在文川网搜索古籍书城 获取更多电子书

自任乃廣為搜羅細加考證不  
三閱月而稿成捐俸將付諸梓  
授忠較訂竊以淺陋共勸厥事  
而披閱之餘見其考據精詳義  
例嚴密使百年之廢簡殘編章  
明全備一邑之忠孝節義山林

隱逸皆闡潛德而發幽光邑之  
風俗人心于讀是志知益多振  
與者矣爰不揣不文而為之序

西和縣儒學訓導隣治  
年家眷晚生陳其忠題

序

西邑彈丸一區介秦隴蜀漢之  
衝自古形勝地也

邑侯邱公蒞西數載修廢舉墜  
固已與除仰賴矣而簿書之暇與  
志雅集琴堂歷數境內山川形勢

前賢遺跡思欲稽考而表彰之  
而志乘缺然訪乞人士有出前  
藍公志稿呈閱者矧創一編古今  
未備傳信傳疑公嘆曰邑志扶  
翼教之大端前蓋君備以固  
具深心惜以調赴軍前未竟其

業予忝承乏烏可不勤為成書  
哉乃不憚勞瘁午夜丹鉛殫  
力蒐輯溯自秦漢以迄我

朝分合遷移卅夫古今任宦忠孝節

義人物傳採廣諮參互考訂  
徵信闕疑飾為是志將捐俸

剞劂以稿屬余較訂受而讀之則  
見其是之版圖形勝了然在目

而古今任宦功績忠孝節義人

物無不歷、魁炳始知公之亟、修

德表揚前烈激勸後人其維風

型俗之義所固綦重也於錢漢





是志者非僅前蓋公草創之心  
不致沒沒而公濟世之心與經世  
之學可深觀其蘊矣予與  
誼叨通家分屬猶子因敬  
為之序

海昌年世狂董保赤持題





修志姓氏

西 和 縣 知 縣 邱大英纂修

西 和 縣 儒 學 訓 導 陳其忠 分訂

海 寧 董保赤

邑 甲 午 科 舉 人 任尚蕙

邑 廩 生 趙維元 彙纂

邑 廩 生 蒲全節

西 和 縣 典 史 屠宗能

南 豐 監 生 邱思永 編次

百口系 姓氏

邑 邑 邑 邑 邑

廩 廩 廩 廩 卷一

生周恒

生任良卿

稽訪

生何魁元

生郝植英

人任鵬飛  
繕對

王佐

刊刻

張文彬

西和縣志

凡例

一縣志首列星野輿圖述及名勝每多繪事今祇繪  
縣境城池

文廟圖數版非故為簡畧按西邑林壑勝境可採者多舊  
志八景所取亦不甚確且非丹青妙手實難圖畫  
至天星羅列度數遠近非專家不能確覩故不謬  
為沿襲貽笑識者

一建置沿革漢唐宋明俱史書確證而六朝五代分

凡例

合變易無常前賢事跡非人地確係西和不敢妄  
為攀附

一丁徭田賦郵驛先照前縣志稿

國初則例開載俾覽者知所由來今銀糧起存領支各項

俱遵現在賦役全書編入

26

一官師名宦前縣志稿俱多缺畧茲前稿未載而史  
傳可考者續為增人並仕宦西和實有政績亦附  
列于後

一選舉人物前縣志稿所載寥寥今稽考簡編及訪

docsriver 文川网  
入驻商家 古籍书城

在文川网搜索古籍书城 获取更多电子书

有遺蹟實據亦為增入

一 隱逸文學節孝實有著述可採事蹟可覓及鄉評

允協者附列于後以昭鼓勵

一 西邑前明季及

因初屢遭兵變遷徙流亡不惟文獻無徵即坟墓古蹟亦

有岫谷滄桑之異今殫力蒐羅荒榛宿莽蝕字殘

碑所傳僅為什一

一是志也搦管發端于孟冬之望脫稿于臘月之除

廣詢博採僅可成編而簡帙無多一切鏤刻隄糜



賤楮之費皆捐俸辦理不敢誇張侈靡即縣署商  
確考証祇友朋及邑庠二三人不無固陋覽者諒  
之